

## Cofnodion Cyfarfod 5ed Ionawr 2021

**Presennol :-** Y Cadeirydd **Gareth Griffiths** a'r Cynghorwyr, Elfed Wyn Williams, Phyllis Ellis, Jane Pierce, R. Hefin Williams. Emma Chappell, Richard Llwyd Jones

### **Ymddiheuriadau.**

Idris Thomas, Rhian Evans-Hill, Aled Green a Lowri Hughes

### **Croeso a Gweddi**

Rhoddyd gair o groeso i bawb gan Y Cadeirydd a gair o weddi gan Richard LL. Jones.

### **Datgan buddiant**

Dim

### **Cofnodion Cyfarfod 1af Rhagfyr 2020**

Derbyniwyd y cofnodion fel rhai cywir

R. Hefin Williams (1)

Phyllis Ellis (2)

### **Materion o'r cofnodion**

**Cyfyngiadau Parcio** - Mae'r Cyngor Sir wedi derbyn sawl cwyn am y cynllun yn Allt Ddu, felly, ni fydd cyfyngiadau parcio yno ar y cynllun yn ei ffurf bresennol. Fodd bynnag fe fydd y Cyngor yn fonitor y sefyllfa.

**Llythyrau Diolch** - Derbyniwyd ymateb o ddiolch am rodd ariannol gan: Clwb Snwcer Deiniolen a Phwyllgor Neuadd Penisa'r-waun.

**Caeau Chwarae** - Bydd cyfarfod o'r is bwyllgor ar y 26ain Ionawr am 7:00 yn rhithiol.

**Eco'r Wyddfa** - Braf yw gweld y papur Bro yn ôl gyda ni, ac oherwydd bod yr ansicrwydd ynghylch yr argraffu a dosbarthu wedi clirio, derbyniwyd cais am rodd ariannol gan fod y papur yn cael ei brintio ac wedi ail gychwyn eto. Penderfynwyd cyfrannu £300.

### **Gohebiaethau a Materion Eraill**

**Biniau Halen** - Derbyniwyd rhestr o finiau halen oedd angen eu llenwi yn ardal Dinorwig - bydd y clerc yn cysylltu yn syth yr wythnos yma i roi cais i Gyngor Gwynedd ail lenwi'r biniau Halen.

Marchlyn - Mae ymwelwyr i ardal Marchlyn yn niferus. Bu I dros 200 o geir barcio yno ar Ddydd Mawrth 28ain Rhagfyr. Roedd ymddygiad rhan fwyaf o'r bobl tuag at breswylwyr yr ardal yn warthus. Gofynnwyd I'r clerc lythyru Cyngor Gwynedd, yr Heddlu, Grid Cenedlaethol, Hydro Power, Dwr Cymru a'r OPCC.

**Lonydd a Llwybrau Tarmac** - Cwyn bod Llifogydd yn creu niwed i darmac ar waelod Llwybr Sinc, wrth ymyl Ger yr Afon ac wrth ymyl Tŷ Gorlan ar Lon Garnedd. Mae hyn yn gwneud y llwybr yn beryg o dan droed. Cysylltu â Chyngor Gwynedd.

**Tarmac y Lon yn waelod Nant y Garth** - Yr un peth o bosib yn digwydd yma ond ar briffordd. Llythyr I briffyrdd Cyngor Gwynedd.

### **Ceisiadau Cynllunio**

**C20/1039/18/DT - 6 Tai Caradog, Deiniolen**

Creu estyniad llawr cyntaf yn y cefn **Dim Gwrthwynebiad**

**C20/1059/18/LL - Y Fachell, Llanddeiniolen**

Cais ar gyfer codi adeilad deulawr er mwyn creu 2 uned wyliau. **Gwrthwynebu oherwydd bod angen mwy o wybodaeth cyn rhoi barn**

#### **C20/1016/18/LL - Cae Goronwy, Fachwen**

Addasu'r distyllaf bach yn ôl i ddefnydd preswyl sy'n atodol i ddefnydd y prif dy Gae Goronwy . Gwrthwynebwyd y cais oherwydd eu bod yn torri rheolau cynllunio drwy adeiladu patio ar draws llwybr cyhoeddus hanesyddol, a gosod dôr yn lle'r giât. Hefyd wedi creu llwybr cwrteisi does ddim o'i angen.

#### **C20/1041/18/AC - Tir ger Tŷ Elin, Penisarwaun.**

##### **Dim Sylwadau**

#### **C20/0901/18/LL - Holsten House, Penisarwaun**

Cais i godi tŷ deulawr ar wahân a Gwaith cysylltiol. **Dim Gwrthwynebiad Gelli Gyffwrdd - Nid yw'r Cyngor wedi derbyn cais cynllunio, er ein bod yn ymwybodol fod yna gais cynllunio wedi ei gofrestru.**

#### **Llwybrau**

#### **Llwybrau gyda diffygion wedi tynnu i sylw Cyngor Gwynedd yn disgwyl adroddiad yn ôl**

Giât Mochyn, Carreg y Gath

Llwybr rhwng Tŷ Mawr a Hafod y Fraich, Deiniolen

Cae Goronwy

Llwybr 16 Rhiw Goch, Clwt Bont I Frynrefail

Tros y Waun I Dros y Waun Fach rhif 61, 61A, 63 a 64

Llwybr I Gegin Arthur

Llwybr Sinc - Tarmac yn waelod

#### **Cyllideb a Praesept**

Edrychwyd yn fanwl ar ein mantolen 9 mis i weld ein sefyllfa a thebygrwydd y 3 mis nesaf, cyn edrych ar addasu cyllideb y flwyddyn nesaf 21/22, a gosod cyllideb ar gyfer y 2 flynedd ganlynol. Bûm yn edrych yn fanwl ar ein sefyllfa, ac erbyn hyn mewn sefyllfa i osod targedau i geisio rhoi sylw i lwybrau sydd angen Gwaith I ddod i allu eu defnyddio yn gyffyrddus a diogel. Mae'r Cyngor felly yn gosod yn ychwanegol yn ein cyllideb swm i dargedu i wella ein llwybrau cyhoeddus yn ystod y 2 flynedd nesaf. Y gobaith yw cyd weithio gyda Chyngor Gwynedd. Rydym hefyd yn rhoi swm penodol i gael prynu a gosod hysbysfwrdd ymhob pentref. Byddwn yn gorfod gweithio gyda'r adran gynllunio yng Nghyngor Gwynedd I gael caniatâd ayyb ar gyfer hyn. Penderfynwyd a derbyniwyd y gyllideb. Mi fydd Praesept Y Cyngor yn aros run fath eleni a llynedd ar £31800. Daeth y drafodaeth i ben yn dilyn cyfarfod llwyddiannus iawn.

#### **O Gwmpas y Bwrdd**

Penisa'r-waun - Dŵr ar y ffordd o'r Hen Ficerdy I Dan y Gaer. Gyrru cais I Gyngor Gwynedd I llnau gwteri.

Gwteri - Pob pentref angen eu llnau.

Calendr Ailgylchu - Nid yw'r Cyngor yn dosbarthu calendr ailgylchu eleni, ond ar gais. Fodd bynnag, maent i'w cael ar wefan Y Cyngor Sir.

Mae llawer yn cysgu yn ddigartref, ac mae llawer o bobl Gymreig ein hardal, pobl nad ydym yn ymwybodol heb gartref, na bwyd, ond hefyd ddim eisiau gofyn am help. Os oes rhywun yn gwybod am unrhyw un, plis cyfeiriwch nhw tuag at y cymdeithasau iawn i gael

anghenion.

Hefyd bu i bapur Newydd The Light gael ei roi trwy ddrysau mewn un pentref. Mae yna wybodaeth ar gael gyda rhyddid i bawb roi allan. Ond mae yna wybodaeth ffug hefyd sydd yn cael ei rannu o ddrws i ddrws, ac mae darllen hyn yn gallu cael effaith sobor ar rai oedrannus ein plwyf. Rydym yn cynghori pawb i ddilyn canllawiau o'r llywodraeth ac o'r Bwrdd Iechyd.